



24713


tal komp


I Mag. St. Dr.

P



24713





Calendae

75 cent

~~16463~~

1875. IV. 43.

Pastorius ab Hirtenberg Joachimus:

Calendae Regiae in iugessu Theodoricum Joa-
nis Casimiri

1659

2a Januaria

No

5957.

~~2539~~

~~797~~

Hist. 3539.

Sso



CALENDÆ REGIÆ

Seu

De auspiciousissimo

SERENISSIMI AC POTENTISSIMI

PRINCIPIS AC DOMINI

DNI. JOANNIS

CASIMIRI,
POLONIÆ & SVECIÆ REGIS
MAGNI DUCIS LITVANIÆ,

RUSSIÆ, PRUSSIÆ, MASOVIÆ, SA-
MOGITIÆ &c. &c.

IN OBSESSUM A SE ET FELICITER
RECUPERATUM

THORUNIIUM

Ingressu

IPSIS CALENDIS JANUARIJ
ANNO M DC LIX.

Celebrato.

Intermixta alia complura ad præsentem.

Bellorum Polonicorum statum pertinentia.

DANTISCI,

Sumptibus GEORGII FORSTERI, S. R. M. Bibliopol.

ANNO M DC LIX.

Cum Privilegio S. R. M. Pol. & Sueciæ.

Z DUPLIKATÓW
BIBLIOTEN
KX-CZYTORSKICH

MAGNI. POLONIÆ. MARESCHAL-

LI. ET. CAMPIDUCTORIS.

SUMMI. DOMI. FORISQ; VIRI

SPEI. PRIMIGENIÆ.

INGENTIUMQUE. ORNAMENTORUM

GENERIS. INDOLIS. VIRTUTIS. FORTUNÆ

ATAVÆ. AVITÆ. PATERNÆ.

MAXIMO. NATU. HÆREDI.

STANISLAO

COMITI. IN. VVISNICZ. ET. JAROSLAVV.

LUBOMIRSKI.

S. R. I. PRINCIPI.

THEATRUM HOC

CERTANTIS. CUM. SEVERITATE. BELLICA.

CLEMENTIÆ.

IN. QUO

SUB

SACRÆ. MAJESTATIS.

REGIÆ.

FASTIGIO. AUGUSTO. ET. INCOMPARABILI.

VIRTUS. INPRIMIS. PATERNA.

PRÆSENTI. NUPER. SPECTATA.

INPOSTERUM

ALACRI. ÆMULATIONIS. GRESSU. SEQUENDA.

ELUXIT.

DEVOTO. MANUS. PARNASSIÆ. OBSEQUIO.

OFFERTUR.



Uⁱ ad scribendum nullâ inge-
nii fiduciâ, sed vel autoritate le-
gitimâ, vel aliis non adspernan-
dis impulsî causis accedunt: ii,
quanto magis cætera sibi præ-
sidia deesse intelligunt, tanto
curiosius luculentum ac plau-
sibile circumspicere argumentum solent, ut quàm
in se non inveniunt gratiam, â rebus dicendis mu-
tuentur. Neq; exercitati oratores facilè eloquen-
tiæ suæ verecundiam ita prostituunt, ut temerè,
nullamq; idoneam vel ansam vel materiam nacti,
provolent in publicum, sed imò, quò cordatior eo-
rum quisq; est, eò accuratiùs suæ dictionis sibi ali-
isq; vult constare rationem. Etenim oratio, quæ
solis verborum freta coloribus, rerum pondere, &
utilitate amoenâ non juvatur, facilè meritoq; ob-
noxia est fastidio; nec quicquam citiùs vilescere
cernimus, quàm facundiam sui securam, sui prodi-
gam. Sed ea porrò, nisi in dilectu, explicatuq; re-
rum magna adhibeatur circumspectio, non modò

gratiam non init, verum sæpè etiam incurrit offensam: præsertim ubi de publicis dicendum est negotiis, arduis ut plurimum perspectu, tractatu lubricis, ipso etiam sæpe attactu nimisquàm delicatis. Adeòq; prout ipsa variam judiciorum aleam subeunt, ita qui de iis publicè disserere sustinent, quantumvis cautissimè agere videantur, vix tamen unquam æquas omnium frontes experiri, multò minus æquare spes ac vota possunt. Nimirum prout cujusq; in id, quod dicitur, affectus est animus, ita Spartam suam ornasse orator scriptorve, ita parem imparemve argumento vim ingenii, iudicii, eloquentiæ, ita & decentem veritatis curam iudicatur attulisse. Istarum rerum cogitatio alium fortassis, antequam silentiæ securitatem dicendi consilio postponeret, in ancipiti deliberandi curâ, & quodam dubitationum quasi æquilibrio aliquandiu teneret suspensum. Cæterum ego, etsi ad scribendum minimè omnium præceps, & iudicii alieni haudquaquàm profectò irreverens, jam tamen silere citra dedignationem obsequii, aut sequioris de rebus iudicii suspicionem, non possum.

Quippe

Quippe aut non digna laude credenda sunt, quæ his temporibus apud nos acta, publico famæ circumferuntur ore, aut rebus laudem merentibus illaudabilis desidia nostra decus suum patietur desse. Eam notam quia vitare magis, quàm deprecari consilium est, age de novissimis rerumstrarum successibus, quantum vires ingenii ferunt, & quantum licet per adversa, quæ subinde adhuc interstrepunt, dicamus: præsertim quando ita volunt Patroni, quando dicendorum seges dignitasq; excitat, & ipsa deniq; anni tempestas impellit. Revertente enim ad nos magno illo luminis promocondo Sole, Soli æterno, ejusq; in terris nostris Vicario sideri, hostiam gratiarum, hostiam laudum, qualis decet Christianos, mactare par est. Passim jam homines sibi aliisq; de superatis anni prioris molestiis gratulatos vidimus, & in futurum nova prosperitatis voventes incrementa. Quod si autem comprecationes ejusmodi, bono & laudabili more, inter privatos percrebuerent, multo utiq; justius palatia Regum Principumq; iisdem circumsonant. In Principum enim salute

fita est populorum salus, nec meliore compendio
vota pro Republ. universâ fundi possunt, quàm
si pro bono Reipubl. rectore fundantur. Quomi-
nus mirum est, si quæ mihi, sub hunc novi Anni
reditum, pro Serenissimo Rege & Domino nostro,
suspiria ominaq; animum implevêre, ea, cum præ-
sens, ut constitueram, non possim, absens quali-
cunq; scriptionis conatu in publicum evolvam.
Quando inprimis singulari, & insolito quodam fa-
torum disposito, ita pulchrè cecidit res ut eo ipso
tempore Rex Serenissimus THORUNIUM tot
mensibus obsessum victor sit ingressus, quo Sol pri-
mum annui sui curriculi spatium ingreditur. Non
potuit meliore exordio Princeps optimus annum
auspicari, quàm istâ tam illustri victoriâ; neq; au-
gustius lemma inscribere fastorum suorum fronti,
quàm titulum occupatæ tam magnificæ Civitatis.
Quid autem dico, occupatæ? Servatæ dicere de-
bebam. At neq; hoc ad rei exprimendæ magni-
tudinem sufficit: in integrum restitutæ dicere oportet.
Occupavit Carthaginem Scipio Æmilianus, sed ut eam funditus deleret, Occupavit Co-
rinth-

rinthum Mummius, sed ut miserrimè direptam, præcinente publicè tubâ, dirueret, populumq; omnem venderet sub coronâ.

Alii alias urbes exitio destinatas, proximasve, eripuère periculo, immortalẽ inde nominis gloriam affecuti. Atq; olim ob unum etiã Civem servatum dari solebat corona Civica, coronarum omnium, ut Plinius major judicat, non pretio, sed honore clarissima. Quanto illustrius decus est, Civitatem totam, Civitatem magnam & celebrem, Civitatem in extremo discrimine positam servasse? quanto major gloria, tot numero Cives, eosq; asperrima quæq; expectantes, in gratiam suscepisse? de salute deniq; anxiiis, libertatem, jura & decora omnia restituillẽ? Instupescit Orbis tantæ mansuetudinis prodigio; ipsaq; Civitas paulò ante ad armorum Regionum fragorem attonita, nunc ad tam insolens beneficentiæ Regiæ specimen hæret admirabunda. Apud eos, qui acceptam eminus tantæ rei famam usitatâ judiciorum trutina ponderant, laborat propè narrantium fides, & incredibilis his videtur lenitas, cujus rationem non capi-

capiunt, Alii longius quoq; progrediuntur, & rem, quæ consuetudinem captumq; publicum excessit, modum etiam excessisse judicant. Indigni clementiâ homines, qui tam Divinam virtutem cavillari malunt, quàm vel candidis judiciis expendere, vel reverente saltem silentio venerari. Sed illos, quorum animos aut res ista minùs tangit, penetratve, aut aliena semper Virtus felicitasq; urit, suæ relinquamus ignorantiae nebulis, vel intemperiiis malignitatis. Tibi ô THORUNIUM, memorabile profectò, & æternâ recordatione dignum hoc anni auspiciū est, Nunquam felicius Tibi in isto Zodicai spacio Sol luxit, nunquam lætius rediit, quam nunc cum Clementissimo Rege JOANNE CASIMIRO. Nec quicquam profectò abscondere videbimur, si simplicem aliis, Tibi geminum Solem, maximo Tuo emolumento, rediisse dicemus. Ac fidereus sanè Sol, qui omnibus lucet, Tibi etiam lucere nunquam desit, etsi tot calamitatibus obrutæ non tam gratum fortassis lumen eius fuit. Sed alterum Solem tristis & miserranda Eclipsis eripuerat Tibi, fortè ut ipso hoc
inter-

interceptu tanto liquidius pateret, quàm funesta sit absentia ejus, & ut reditum ejusdem tantò impensius desiderares. Verum de Te, ô THORUNIUM, erit paulò post illustrior dicendi locus: cū Sacræ Regiæ Mris. labores, quos in Te recuperandâ insumpsit, curatius memorabimus. Atq; eos quidem historico intexi peplo convenit: & intexentur scio ab illis, quorum id muneris est. Sed quæ æternitati scribuntur, tardiùs procedunt, ipsa intimæ veritatis inquisitione, quâ Historia omnis velut animâ respirat, aliquam temporis postulante moram. Mihi intereà primū animi fervorem, quo in hoc tam optato anni exordio incalvimus, liberiore sermone, sine cujusquam tamen injuriâ, fas erit effundere. Neq; derogabit Oratorium hoc præludium operi historico, cum ut aliis, ita nobis quoq; non obscurum sit, alio hîc, alio illic opus esse & genere dicendi, & rerū tum delectu tū ordine. Porro autem è re esse arbitror, ad grande hoc recuperatæ Urbis, clementiæq; Regiæ decus deprædicandum non ante accedere, quàm alia DEI libaverimus beneficia, quæ Serenissimo Regi, & inclyto

Poloniæ Regno, anno proximè elapso, & paullo ante contigerunt. Postrema enim hæc, quæ nunc attonitum tenent Orbem, dependent ex superioribus, quæ nisi præcessissent, coetera non modo non intelligi, sed prorsus nec sequi potuissent. Commemoratis autem rebus anterioribus, apparebit tantò liquidius, quibus gradibus defervesce Numinis erga nos ira, hostiumq; retro ferri potentia, Poloniæ verò felicitas, quod præfiscini dixerim, sensim reflorescere coeperit. Eo ardentioribus usq; votis invocabitur supremum Numen, ut non tantum porrò nos vincere, sed victoriis etiam uti prius, quàm frui doceat: & imprimis, ut animos ad eradica vicia, verissimas scilicet malorum, quibus flagellati sumus, radices, magis magisq; excitet, atq; inflammet: Quò tandem his suppressis, studia Virtutum, quibus felicitas Regnorum debetur, splendidiùs efflorescere possint. Cæterum in memoriam retrò actorum regredientibus haud altiùs jam narrationem nostram ordiri lubet, quàm ab illo temporum articulo, quo Dacica in regno nostro tempestas desæviit. Nunquam enim luculentius
ultri-

ultricem DEI manum hostes nostrisensere. Nemo non intelligit, de Palatino Transylvaniae Raccocio me loqui. Quem meministis, nexibus illis, quibus jam olim terra ejus Regno nostro arctissime devincta fuit, posthabitis, autoramentis præterea, quibus amicitiam op. mq; ipsius studiosè imprimis quæsivit, meruitq; Polonia, neglectis, non Dacos tantum suos, sed Valachos, Muldavos, Hunnos, & quod maximi momenti erat, turbidissimos quosq; Cosacorum in Rempubl. hanc commovisse. Tot gentium robora trahenti facile fuit, in corpore semivivo & non sanguinem tantum, sed jam pene animam vomente, agere aliquantisper pro libitu suo. Ita q; magnam Poloniae partem licentissimè pervastavit ipsumq; Regni Caput Cracoviam insedit. Sed ut iniquissima ejus causa, ita vitrea fortuna fuit. Fracta est, cum splendere vix cæpisset. Postquam enim Rex Sueciae abiisset, hunc imparem ejus socium exercitus Austriacus magnitudinis suæ umbra illicò terruit, noster vero, sub Ducum Regni, & Palatini Russiae felicissimo regimine infestare, urgere, fundere, ac perse-

qui non destitit, illatas etiam Regno injurias in ipsa Transylvaniâ, Duce Magno Regni Mareschallo, ultus est non perfunctoriè. Tandem miser à ple-
risq; illis populis, quos in perniciem Poloniæ at-
traxerat, desertus postquam Aquilas Polonicas
nullâ fugæ celeritate effugere potuit, circumfessus,
atq; ad incitas redactus, miserabili pactione vitam,
& abeundi libertatem redemit. Atq; ita rediit
quidem ipse in Patriam, sed pene inermis, & Polo-
no magis, quam suo milite stipatus. Hic enim in
Scythicas incidit manus, & quam Poloniæ inten-
taverat, ipse in Tauricâ Chersoneso subiit servitu-
tem. Quas deinde adhuc calamitates eidem Ra-
cocio, jam reduci, indignatio aulæ Ottomanni-
cæ conciverit & ut principatu suo exutus, alienis
jam viribus collapsam restaurare quærat fortunam,
qui suis antehac amicissimò Regno, præter cau-
sam impensè gravis fuit, nolo nunc referre. Qui
& hæc, quæ dixi, nullâ alieno infortunio insultandi
libidine à me dicta esse, ultrò & fidem testans, profi-
teor. Miseret enim me potius Principis, quem
prava consilia opulentissimâ pace, quâ ad invidiam
usq;

usq; frui visus est, exuere. Ottomannici Imperii mentio, quam modò feci, revocat mihi in memoriam terrorem, quo ista Orientis potentia, vere superiori, cum nondum constaret, quem magnis illis belli apparatus peteret, sollicitum habuit Regnum nostrum. Circumstrepebant fines nostros ingentes viciniorum Bassarum exercitus, & constans volitabat fama, arma ista stringi in nos, qui ob exhaustas vires alienis conatibus maxime videremur opportuni. Neq; dubium sanè erat, in Aulâ Ottomannicâ ab hostibus nostris nullum non motum esse lapidem, qui ad nos opprimendos crederetur facere posse. Sed aliter rem direxit, qui corda Principum frænat flectitq; pro libitu suo. Ejus potente nutu evenit, ut quæ nobis minata videbatur tempestas, in proximas gentes, & eas inprimis, quæ paulo ante in hoc se Regnum vi immani infuderant, decumberet, pœnas veluti exigens eorum facinorum, quibus, dum nos flagellarent, gravius ipsæ flagellum meruerant.

Turcis juncta, atq; obnoxia Tartarorum gens est, illorumq; adeò arbitrio hæc pacem, & bella ca-

pesfit. Jam vetera eorum, & non annis, sed seculis multis continua adversum nos bella quis ignorat? At iidem tamen postremis his temporibus, impensè in Regem, & Regnum nostrum benevoli, magnum profectò adminiculum rebus nostris labentibus dedere: mirè DEO rem adgubernante, ut adversum Christianos, cognatos, & nullâ injuriâ læsos Principes gens barbara gens olim perpetuò inimica, Regem nostrū sublevaret. Neq; enim tantum copiis identidem submissis terruit Poloniæ hostes, sed & apud aulam Ottomannicam cum curâ egit causam nostram, quodq; maxime omnium memorari meretur, Cosacos summo virium connisu eo adduxit, ut primùm manus abstinere à Poloniâ, & deniq; novo obsequii nexu eidem illigarētur.

Nunc ordo temporis ad commemorandum aliud DEI beneficium me vocat, & id tanti quidem momenti, ut non minimam illi salutis suæ partem debere videatur Polonia. Loquor autem de Serenissimi Electoris Brandenburgici reconciliatione. Is Princeps uti virtutibus animi, & potentiâ inter paucos hodie nominandus est, ita cuicunq; se parti
adjun-

adjungit, huic ingens profecto, confessione omnium, pondus adjicit. Eo tempore, quo Poloniae nihil non, atq; etiam ipsa sibi adversabatur, transmarino autem hosti fortuna velut sacramento dixisse videbatur, idem Sereniss. Elector magno illo publicæ infelicitatis torrente eò quoq; tandem impulsus fuerat, ut quas primum infringere quæsierat, partes hostiles, foederis deniq; nexu, & virium suarum accessu augetet. Ea societas quamdiu viguit, gravissimis sanè damnis ut Electori, ità Poloniae constitit. Mutuis enim iisq; longè atrocissimis incursionibus provinciæ affines vexabantur. Ictibus iisdem pulsabatur utriusq; Principis animus, miserans, ut probos populorum Pastores decet, subditorum suorum fortunam. Ac multis insuper aliis tum domesticis, tum externis stimulis ad redintegrandam cum Polonia necessitudinem accendebatur Elector, ipseq; etiam Serenissimus Rex, missis aliis, atq; aliis internunciis, sinum illi pristini affectus magno studio pandebat. Ac dudum is annuisset, (consciis loquor) nisi novus ex Transylvaniâ interyenisset obex. Eo lapide feliciter tandem

dem amoto, facilius Elector Serenissimus Regiis & Cæsarianis hortatibus, quibus ad pacem cum Polonia stimulabatur, cessit. Cessit, & ejuratâ hostium nostrorum societate, ad pristinam amicitiam novis legibus, interposito utrinq; in congressu Bidgostiensis, sacramento rediit. Eo conciliatu dici non potest, quantum rebus, & Regni, & Electoris commodatum sit. Nam primum mutuae terrarum populationes illicò conquievêre, Copiæ verò, quæ adversus Electorem excubuerant, ductæ sunt adversus hostem communem. Moscus reverentius mox Lithvaniam, Poloniamq; tractandam sibi putavit, postquam ad Regem accessisse cognoverat eum Principem, cujus amicitiam sollicitè semper, multiq; legationibus coluerat. Cosacis quoq; major Regni veneratio incescit, cum id brachio Electorali viderent lubnixum. Quantum porro, & quàm benè ordinatum exercitum idem Princeps trahebat secum? illum exercitum, cui magnam partem victoriæ Varsaviensis Sueciæ Rex debebat. Illos Duces, qui phalangem pedestrem phalangi, tormenta tormentis, ignem igni aptis-

aptissimè nōrant opponere. Perspexerat id toties hostis, eò jam magis animo attonitus hæsit, cum quos, in nupero rerum nostrarum orgasmo, pro se, contra Polonos stare viderat, eos postea pro Polonis contra se stare sentiret. Jam illud quanti momenti, quòd redintegrata hæc amicitia portus Electorales obstruxit hostibus, iisdemq; omne maritimum in his oris commercium, omnemque adeò auxilii spem, & ipsa quodammodo spiracula interclusit. Ad hæc cum latissimè pateant ditiones Electorales, ex omnibus penè istis ad primum hostis classicum, & multo magis deinceps ad magnum subito exsplendescentis fortunæ fulgur plurimi accurrerant. Post compositionem advocati sunt isti, & divites illæ scaturigines, ex quibus militum copiæ affluerant hosti, obturatæ, aut alio averfæ. Postremò quot quantosq; Principes, catena ista amicitia Electoralis traxit. Quam multi in Germaniâ utrâq; amiciùs æstimare coeperunt partes nostras, postquàm pro illis pugnantem viderunt Principem, sanguinis, sacrorum, alioq; fœderum vinculo ipsis arctè innexum. Ut exemplo mutavêre

nonnulli castra, nec committendum sibi putarunt,
 ut contra eos arma stringerent, cum quibus sua con-
 junxisset Elector. Tanti ponderis, tantiq; emolu-
 menti conciliatio, longo labori, & singulari dexte-
 ritati **VENCESLAI COMITIS DE**
LESNO, Episcopi tum Varmiensis, nunc
 Regni Poloniae **PRIMATIS DESI-**
GNATI potissimum debetur, cui eodem in
 opere, cura perpetua Fratris **PALATINI POS-**
NANIENSIS, sapientissimi, & de patria præcla-
 rissimè merentis Senatoris, etsi eminus, efficacissi-
 mè tamen, semper respondit. Autoritate porro
 publicâ, Illustrissimo Antistiti, magnus Thesaura-
 rius, idemque Campiductor Lithvaniae **VIN-**
CENTIUS GOSIEVIUS spectatissimi animi
 consiliiq; Senator, hoc in negotio, datus erat Colle-
 ga. Enimverò prægrande ad eandem rem mo-
 mentum attulit Augustissima **DOMUS AU-**
STRIACA. Hæc jam antè laboranti Polo-
 niæ Regno validum submiserat Exercitum, ipso
 impulsâ vicini periculi intuitu, multoq; magnorum
 Virorum indefesso labore jam dudum excitata,
 postre-

postremò autem, ubi tempore res maturuerat, felicissimâ summi Viri **BOGUSLAI COMITIS** de **LESNO**, tum magni Thesaurarii, nunc Vice-Cancellarii operâ, ad belli societatem adducta. Ac fateri profectò oportet, rem maximi momentum confectam, quia ipsa, quam novus ac tantæ molis Clypeus jaciebat, Umbra, etsi postea nonnullis apud nos minus grata, Transylvano tamen aliisq; hostibus nostris, multum formidabilis, & ut præsidio suo, sic ipso magnitudinis Austriacæ horrore impensè fuit damnosa. Sed altero non minus illustri beneficio idem Imperator Rempubl. hanc devinxit, cum, ut dicere cœpi, missò experrectissimi ingenii, & edecumatæ prudentiæ Legato, **BARONE** de **LISOLA**, Serenissimum Electorem, & Regi nostro, & sibi, & toti huic causæ conciliavit. Utriusque negotii gravitatem vel ipsa effectûs lentitudo abundè ostendit, & quæ intervenêre obstacula, tam fuerunt grandia, atq; immania, ut non modo optatum diu sufflaminarint eventum, sed & spem ejus interdum prorsus interceperint. Mors præcipuè Imperatoris nonne scopulus ejus-

modi erat, cui illisa negotiatio spes omninò nostras frustratura videbatur? Nonne enim ipse ille rerum transitus, per se semper miris, atque insperatis conatibus opportunus, novos hostibus animos, cœteris novos afferebat metus? Nonne & ipsum Serenissimum Electorem, aliosq; idem negotium volventes, cum adversæ partis machinamenta inspicerent, iusta suspendebat sollicitudo, ac timor, ne à domo Regnatrice aberraret electio? Quod si cōtigisset, nec ipsa Domus illa, nec Elector tutum sibi putasset, novo se & res suas implicare bello. Sed qui in alto res mortalium dispensat, ita consilia Germaniæ direxit, ut Septemvirale Cōlegium sumere Principem mallet, quàm quærere. Hoc præterea effecit, ut de publico Germanici Imperii consilio ad hostem mitterentur Legati, honestis conditionibus suaturi, ut ex finibus imperii arma is efferret. Nihil impetrarunt illi, & Holsatiâ, Jutiâque, provinciis Germaniæ, adeo hostis nō excessit ultrò, ut annis sit potius æternum facere suas. Uno impetu potiores Holsatiæ urbes opprimere instituit, eodemque tempore Serenissimum Daniæ Regem, factæ no-

vissimè paci fidentem, & jam penè inermem, calidissimo consilio, denuò invasit, ac omni propè Regno exuit. Intra unius Hafniæ fortitudinem stetit totius Regiæ Domûs, sceptrique Danici salus, quasi ostendere volentibus fatis, nullam esse tantam potentiam, nullam audaciam, quam virtus, ubi veris stimulis, & desperatione inprimis incaluerit, cælo auspice, sistere non possit. Stetit acerrimum Regem una urbs, non tam vallorum circuitu tum, quàm fortium, & Regi suo fidorum pectorum oppositu munita, sed inprimis protectore Deo, & Domini sui præsentia animosa. Stetit, inquam, Principem, quem non cætera Dania, usitatis nudata præsidiis, non hyems hosti nimium propitia, non flumina, non maria ipsa cohibuerant; exercitumque nihil non domare posse creditum, invictâ constantiâ à mœnibus suis prohibuit, ingens hætenus scopulus fortunæ hostilis, & illustrè in posterum Deo volente habitura locum, inter Civitates, præclarâ erga Dominos suos fide celebres, quales sunt, ut alias nunc taceam, Aurelia, Metæ, Vienna, Praga, Lovanium, Brunna, Freiberga, Dantiscum, Zamosci-

um. Neque passus est Deus periclitanti unâ cum Rege suo Urbi deesse auxiliores. Nam cum ter-
 râ ei succurri à Principibus amicis, quantumvis ni-
 hil intentatum relinquentibus, non posset, mari clas-
 sis Batava subvenit, & per infestas freti Danici an-
 gustias, per obstantes undique hostium acerrimè
 pugnantium ignes manusque, cruentâ quidem,
 nec parvo emptâ, magnificâ tamen victoriâ opem
 intulit; non sine eximiâ & æternâ laude Thalassi-
 archi Baronis V Vassenarii, qui ejusdem clas-
 sis Præfectis V Vittio, & Florissio superstes, non mi-
 nus fortiter, quàm qui periêrunt, sed magis feliciter
 dimicavit. Cæterùm dum hæc aguntur, tota inte-
 rim commota Europa bello Dano Polonico magis
 magisq; intendit animos, & nullus penè Princeps,
 nulla provincia est, quæ hoc incendium ad se non
 putet pertinere. Quâ in re quomodo non reve-
 rentibus animis admiremur singularem Dei super
 Republ. nostrâ curam? quâ effectum videmus, ut
 causam nostram olim desertam, major tandem pars
 Orbis factò armorum consiliorumq; concursu, a-
 gendam susceperit. Non est equidem pietatis no-
 træ,

stræ, latiùs se indies spargentibus belli flammis lætari; potius vero calamitatibus, quas Dania fœderata, & tot aliæ terræ gravissimas patiuntur, ita, ut par est, ingemiscimus, atque ut honestissimâ tandem pace tam fœda certamina componantur; & improbus bellandi amor exterminetur, animitùs optamus. Attamen fateri necesse est, nobis multitudine hostium variorum obrutis, longè gravio-rem futurum fuisse hunc Regem, nisi alibi reperisset, cui infringeret potentiam. Ubi vero tot populi in idem bellum conspirârunt, nostri interim Exercitus viam sibi stravêre ad hostem ibi quærendum, ubi multis abhinc seculis pedem Poloni non posuerant. Quas ô superi! vices habent res mortalium! Nondum triennium effluxit, cum intimis regni nostri visceribus incubaret hostis; illudque velut belli spoliū inter Duces suos distribue- re cogitaret. Brevi post excussū est cervicibus jugum, & surrexerunt Camilli, qui excitatâ veteri Sarmatarum virtute, vocatoque in libertatis vindicias fortissimo quoque, passim præter opinionem fatigavêre invalores, & extremo virium conatu id. effe-

effecere, ut externæ potentiæ virus à mediis Poloniæ præcordiis, in extremos ejusdem margines eiceretur. Pauci tamen, in illo redeuntis fortunæ quasi crepusculo, tam amplæ spei erant, ut brevi fulsurum crederent diem, quo Polonia hostem in cubilibus ejus, Livoniâ, Pomeraniâ, postea vero in ipsis Cimbrorum intimis recessibus vestigaret. Id tamen ecce fieri jam aut factum conspicit, miraturq; Orbis. Sensit non ita dudum vim Sarmaticam Pomerania omnis, quæq; antea hostis apud nos peccaverat, illa maximâ clade suâ expiavit, fortassis in posterum etiam expiare perget. Non sine stupore Germania, & Europa penè univversa audit, Aquilas nostras circumvolitare Cimbrici maris littora, ibiq;, præeunte fortissimo Stephano Czarnecio, Palatino Rusiæ, cæterisq; Ductoribus, viris strenuissimis, summâ passim celeritate famam sui anteire, admirabili audaciâ magna, & aliis invia flumina, sine pontium beneficio, trajicere, incredibili alacritate difficillimas quasque belli operas sibi ultrò deprecere, maxima adire pericula, capere urbes munitas, insulas nando invadere, atq; occupare,

re, hostes passim fugare, sternere, persequi, præclaris denique ausis gentis suæ gloriam latissimè per orbem diffundere.

Sed jam tandem sermo ab extremis Balthici maris anfractibus ad Borysthenem, & ultimos Rusiæ fines trajiciendus est. Non nescit orbis, primam inde tempestatem surrexisse Poloniæ, quâ ita concussa illa est, ut fessâ denique & propè nuda patuerit aliorum vicinorum libidini. Atq; horum occulta quædam, & fortasse fatalis in nos conspiratio fuit. Certè, quò diutius hæc Respublica vapularet, singulis, Deo permittente, velut per manus, tradita est flagellanda. Sed, ut innui modò prima virga, quâ castigati sumus, agrestis fuit, tantoq; adeò acerbior, quia famulâ manu infligebatur ingenuis, & in corpus tum adhuc integrum, delicatum & talium plagarum insolens, inciderat. Facilis cuiq; conjectura est, de Colacis me loqui, genere hominum duro, laborum tolerante, libertatis, & exin militiæ avido, Reipubl., cum ad bona se vertit, præsidio egregio, cum secus, pestilentissimo veneno. Nam ut adversum Turcas, Tartaros, Mo-

D

schos,

schos, utilem subinde Regno præstitit operam, ita
facile semper, quoties aut robore suo placuit sibi,
aut servitute displicuit, rebellavit, simulatq; inprimis
caput reperit pronum, idoneumq; ad res novas. Novissime
Chmelnicius repererat, hominem à teneris innutritum militiæ, nec literarum
rudem, aulæ vero nostræ, & imbecillitatum publicarum,
plus quàm expediebat nobis, gnarum. Is cum lite privatâ
partem agri amisisset, damni & contumeliæ impatiens,
provocavit ad arma, & collectâ primùm intra scopulos
Borysthenis exiguâ sui similibus manu, mox Scythas
vicinos allexit, eorumq; ministerio excubitores Regni
exercitus, cum quicquid ibi Cosacici sanguinis sub
signis Polonis militaret, corrupisset, repente circumvenit,
floremsq; adeo militiæ Polonæ aut cecidit, aut unâ
cum Ducibus in Tauricam misit. Dein, cum durante
Interregno pro libitu scrutatus esset matris Reipub.
viscera, tandem exsplendescente novi Regis Majestate
flecti se passus est, ut fortunæ suæ moderaretur.
Sed quoties postea sensit, lacertos denuo
Poloniam movere, vim illicò aut repulit, aut prævenit.

venit. Fusus aliquando, sed multitudine astuq;
sæpius prævaluit. Pactis identidem Reipublicæ
conciliatus, sed nunquam fidens, & in ipsâ sem-
per quiete inquires, animos suorum perpetuò
adversum Poloniam tenuit armatos, atq; externa
insuper foedera, quibus potentiam suam muni-
ret, circumspexit. Hæc porrò ipsa, prout re-
bus suis expedire videbatur, mutabat. Nam
cum Tartari, quorum viribus ante surrexerat, in
gratiam cum Rege & Regno nostro rediissent, ille
uni eidemque cum nostris parieti inniti nolens,
ad Mosci patrocinium confugit, ejusq; potestati Ki-
oviam, aliaq; præcipua illius Rusfiæ oppida tradi-
dit, in precium scilicet tutelæ, & fidei autoramen-
tum. Atq; istâ tanti exercitus, & tot munimen-
torum accessione animatus Moschus, eò profundi-
ùs ungues barbaros in Lituaniæ præcordia immi-
sit. Postea equidem subito emicans potentia
Suecicæ fulgor sumpta in nos arma Moscorum sti-
tit aliquandiu; nihilominus pars Cosacorum, con-
nivente Chmelnicio, stimulantibusq; occultè aliis,
Racocii Transylvaniæ Palatini adversum nos ro-

bur auxit, eoq; Duce, Poloniam foedisimè deva-
stavit. Ita homo ille, utcunq; simularet amicitia-
am, per abdita, & magis fida ad hostes inclinans,
occasionem nullam nervos Polonorum incidendi
prætermittebat. Ac à Moschici quidem Domina-
tus nexu haud temerè unquam is recessurus vide-
batur, quia abjectâ solidæ cum Republ. conciliatio-
nis fiduciâ, sacramento se obstrinxerat Despotæ illi,
neq; aliud firmitus contra Tartaros æquè ac Polo-
nos præsidium reperire se posse putabat. Unde
vix spei quicquam supererat, vivo illo, Cosacos ad
obsequium Poloniæ redituros. DEO autem, ut
ex eventu didicimus, placuit restituere eos Reipu-
blicæ, à quâ malo fato erant avulsi. Itaq; obices
omnes amovere oportuit, & in illis ipsum quoq;
Bogdanum Chmelnicium, quo sublato in diversa
quidem ivère Cosaci, potior tamen pars, Du-
ctore VIHOVIO, intimorum defuncti
Chmelnicii Ducis consiliorum socio, Tartaris
præcipuè instigantibus, in Poloniam reflectere
coepit animos. Nec præbenti se fortunæ defuit
utraq; Majestas Regia: sed per viros gravissimos

prudentissimosq; , quorum princeps STANISLA-
US CASIMIRUS BINEVIUS, Castellanus
VVolhiniaë fuit, surgentem in illis bonæ erga
Rempubl. propensionis affectum, sollicitè aluit, fo-
vitq;. Interim verò, re magis magisq; in dies ma-
tureſcente, optimi, & ſinceriffimi quiq; Coſaci Mo-
ſchicæ ſervitutis jugum quaterere, atque excutere
incipiunt: confectim etiam alios ſibi adverſos,
Duce VIHOVIO, armis aggrediuntur,
& ope Scythicâ ſubnixi, profligant, ipſum
verò Duſtorem, Puſkarencum nomine, palo
ſuffigunt, oſtentui cœteris, qui Moſchici regi-
minis pertinaces, libertatem oppugnare, quàm
defendere mallent. His certaminibus illi,
quò magis apud Moſchum ſpem ſibi veniæ præci-
diſſe viderentur, eò alacriùs aures præbuerunt Re-
giæ clementiæ promiſſis. Tandemq; annitenti-
bus utrinque delegatis, in certa capita, quibus illos
in unum ſecum corpus coaleſcere Reſpubl voluit,
conventum eſt: miſſiq; ad Sereniſſimum Regem,
apud Thorunium, in Caſtris, tùm agentem, inter-
nuncii, qui VIHOVII, & cœteri exercitus Zapo-

roviani nomine, sacramentum Majestati Regiæ, & Reipubl. dixere. Magno equidem conatu, magno etiam rerum, quas Respubl. pro carissimis habuit, impendio, nec libertatis tantum, sed summorum decorum suorum communicatione constitit ista conciliatio. Sed fructuum, quos eadem illa nobis promittit, ubertas solatur & pensat omnem precii magnitudinem. Ego nunc emolumenta ejus pacificationis omnia recensere hîc nolo. Hoc tantum addo, quod in confesso apud omnes temporum callidos est, magnum eo nomine beneficium DEO Poloniam debere: eumq; porro orandum, ut tanto muneri addat perennitatem, atq; initæ conjunctionis nodum fortiùs indies adducat.

Tandem verò jam ad Te, THORUNIUM, redeo, quia, ut sermonis initium fuisti, sic ejusdem Te finem esse volo: ita tamen dictionem temperare meditans, ut minime fortunæ Tuæ insultare, sed potiùs de tam miti malorum Tuorum termino videar Tibi gratulari. Non enim lubet, nec decet acerbitate verborum gravem esse illis, quibus victor Rex tam voluit esse propitius. Quamquam

quam tristioribus nonnullorum geniis, & nodum in scirpo quærentibus, nulla fortassis orationis mollicies satisfaciet, Tales enim vel levissimi attactûs umbrâ ac suspicione vulnerantur, & sub quovis etiam balsamo causticum metuunt.

Equidem Tibi, ô pulcherrima Vrbium, antiquitas Tua, tum continua in Poloniam fides, jam olim inter primas Borussîæ civitates Principem locum dedit. Tibi Legum, juriumq; suorum Archivum credidit Borussia. Tu Pactolum Sarmaticum Istulam, cum Borussiam ingreditur, prima omnium excipis; Tu ubertate illius, totq; adeò feracis Poloniæ muneribus prima lætaris. Te & vicinia ipsa & linguæ communio, & commerciorum propior usus præ aliis Regno arctissimè innexuit. Certe, quàm indissolubili necessitudine illi injecta hæreret, ipsa satis palam fecisti, cum priore bello Suecico, audaces VVrangeliî impetus, & inopinatò mœnibus imminentem vim invictâ fortitudine repulisti, eo nomine & apud Polonos summam gratiam, & domi facundissimos præcones, & deniq; apud posteritatem immortale nominis decus
ade-

adepta. Novissimâ hâc rerum vertigine, tempestas publica communi Te cum aliis multis naufragio implicuit. Equidem proditiōis labe intactam Te, & cum hoste, antequam ei subesses, nunquam consilia sociasse scimus. Potius vero inuisse Te fatemur rationes, quibus vni illius à mœnibus Tuis quàm longissimè arceres. Cæterum postquâ idem, prolabantibus ad obsequium ejus & exercitibus, & Provinciis, ipsâq; Regni metropoli, in Prussiam rediret, fortuna venientis ita Te attonuit, ita etiam juncta fortunæ suada se infudit animo Tuo, ut maximæ imprudentiæ esse crederes, portas claudere illi, cui nemo putabatur clausisse, aut clausurus esse. Admisisti igitur Dominum novum, & cum eo numerosum præsidium, novum scilicet cum novo Domino capistrum. Prorsusq; ita alterius esse coepisti, ut propè desineres esse tua. Quantumvis enim lene admodum videretur, cui humeros submittebas, dominium, tale tamen erat, ut id tuo arbitrio excuti non posset, alieno semper posset intendi. Ac sub novâ hac potestate defluxere Tibi tres propemodum anni, ægrius nimirum lentiùsq;

ex fluctibus suis emergente Poloniâ, quam ut Tibi illicò manum posset porrigere. Post Cracoviam recuperatam destinatus equidem in Tui vindicias tendere cœpit exercitus. Sed is hiemis viciniam, & nescio quæ alia obstacula causatus, non multò post, cum Duce annis fessò ante hyemem ingressus est hyberna. Pars tamen equitatus Polonici, Ductore JOHANNE SAPIEHA, exercituum Regni Commissario generali, eminùs circumfidere Te cœpit, Tibiq; commeatum; & cum reliquis hostium præsidiis commercium intercludere conata est. Ubi velitationibus creberrimis commissi utrinque excursores, multo subinde cruore campum respersere. Perpetuoque cum præsidio Tuo pugnavit magnanimus Sapieha, donec in suburbiis Tuis consisteret. Supervenêre postea sub regimine Generalis excubiarum Magistri SUCHII, viri militari laude præclarissimi, Austriacæ aliquot legiones.

Quæ fortiter circa Te figere pedem, & pediatu suo aggeres struere, tandemq; machinis admotis opera hostium & Tua verberare cœperunt.

Crevit indies obsessor exercitus, quia & illæ copiæ Austriacæ, quæ in Varmiensi Episcopatu hyemaverant, accessere, Ducis sui HESTERI inopinatâ captivitate nuper tristes, mox reditu ejusdem tantò lætiores, quia is astu astum pulchrè ultus, è carcere Mariæburgensi feliciter evaserat. Accesit quoque CHRISTOPHORUS GRODZICIUS Generalis rei armamentariæ per Poloniam Magister, idemque meritisimus Regni Senator, qui oppida Vistulæ adsita, & quicquid hâc parte hostilibus rapinis patuisset, legionibus suis strenuè hactenûs propugnârat. Ita omni ex parte denique cincta Urbs fuit, & hostis intra mœnia, parvamq; insulam, in medio Vistulâ sitam, conclusus. Interim verò non defuit ille sibi, captans subinde, atq; aperiens etiam sibi occasiones erumpendi. Præcipuè autem copias Austriacas assiduus, & insidiis & aggressionibus sollicitabat. In has enim & præsidarii, & cives ipsi singulari quodam ferebantur odio. Quia nimirum animis infederat opinio, urbem obsessam, si quandò ad deditionem veniendum foret, non veteris Domini, sed Austriacum regimen subituram.

Quod

Quod ut externum, & religioni suæ formidolosum populus omnis mirificè abhorrebat. Bilovium porro, cui Civitatis defensio commissa erat, super insitam indolem, acrem, cautamque & prorsus ad ardua comparatam, famæ suæ cura stimulat, ut summâ vigiliantiâ & contentione ageret, quæ Virum nobilem, veterem militiæ, ejusmodi obsidia sæpius cum laude expertum, Generalis deniq; excubiarum Magistri munere præditum decerent. Dabat itaq; sollicitè operâ, ut in Urbe quam ordinatissimè omnia procederent. Cives advenasq; (quorum sanè plurimi ex proximis agris confluxerant, ipsâ rei familiaris jacturâ in populatores nostros mirificè exacerbat) non modo ad obsidionis tolerantiam, sed ad arma etiam gerenda firmabat. Intùs benevolentiam, quantum posset, servans sibi, extra obsessores noctu diuq; nocere quærens, eruptionibus potissimum, quas ita frequentavit, ut qui omnes illas ab initio ad finem annotarunt, plusquam trecentas nobis annumerent. Cæterum his opera equidem nostrorum multum subinde turbata, & ipse peditatus, auxiliaris præsertim, non

leviter labefactatus ; Sed non minùs præfidiariorum quoq; numerus accisus est. Ac tametsi hostis identidem aliquos ex nostris caperet cederetvè , nunquam tamen eò profecit, ut ullum vel militem auxiliarem à suis , vel commeatum unquam reciperet. Nostri enim vias, quibus subsidia ventura credebantur , excurrentibus longè latèq; turmis equestribus, undiquaq; obseperant ; & ut ipsi largiore rerum necessariarum copiâ fruerentur, strato ponte junxerant utramq; Vistulæ ripam. Sed hostis munitionum suarum robore, tum suppetente victûs necessarij sat ubere usq; copiâ fretus, haud quicquam adhuc submittebat animos. Prorsusque adeò major vis ad cicurandam ejus audaciam videbatur requiri. Meritò hîc mirum miserumque rerum humanarum genium agnoscimus; quarum adeò remedia longè tardiora sunt , quam mala. Morbi repente subinde ingruunt, ac si fatalis hora adest, repente etiam occidunt. Ut vero curentur, mensibus opus est, aliquando & annis. Non unius præterea Medici industriam fatigant, multas pyxides Pharmacopæorum deplent, & ut ægrotant-

tantium corpora, sic crumenas eorundem, aut iis proximorum exhauriunt. Ægrotabas Tu quoq; Thorunium, & repentinus quidem, sed idem gravissimus æstus præter opinionem Te Poloniae & Tibi ipsi eripuerat. Utinam prior valetudo æquè citò redonari agræ potuisset, quâ erat erepta? Sed lentè procescit restitutio Tui. Iterum quasi parere Te sibi Polonia debuit; & ut feliciter pareret, plusquam novimestre tædium coacta est ferre. Tulit æstivi solis ignes, tulit autumnii nimbos & procellas, tulit brumæ rigores, tulit mille molestias ac incommoda, ut Te ægritudine Tuâ, â quâ possidebaris, liberaret. Nec cessisset forsan usq; illa, nisi præsentem Regiæ Majestatis vim sensisset. Prævisum id maturè â Rege ipso, & Regni ordinibus, adeoque omnium consensu sancitum est, ut ægri istius restitutioni Rex, non autoritatis tantum auspicia, sed & manûs suæ ductum commodaret.

Nec cunctatus SERENISSIMUS REX, simul ut comitiorum laboribus defunctus esset, abiit in castra, comitante SERENISSIMA REGINA; utroq; Regni CANCELLARIO,

& aliis Proceribus. Sed venit quoq; inprimis al-
ter exercituum Polonicorum Dux, idemque Re-
gni Mareschallus **GEORGIUS LUBO-**
MIERSCIUS S.R. J. Princeps, Comes de
Visnice, accelerando coeptæ obsidionis operi,
summâ illa autoritate, quam immensis virtuti-
bus, maximisq; in patriam meritis, dudum sibi
comparavit, ingens daturus robur ac pondus. Qui
jam etiam magnam exercitûs sui partem, florem
militiæ nostræ, eodem præmiserat. Tum verò
validissimè demùm fervere coepit obsidio, tot ni-
mirum diversorum nominum, populorumq; legio-
nibus, nobili virtutis æmulatione, in hostem certa-
tim undiq; pugnantibus. Excitati jam ante erant
nonnulli suggestus, de quibus in urbem non infeli-
citer quotidie fulminabatur. Ne inferiores coe-
teris essent, qui post coeteros venerant, excitarunt
& ipsi suos, quo nullâ parte quies esset obsessis. Qui
vicissim noctu diuq; aut eminùs jaculando respon-
debant nostris, aut cominùs factâ excursione insta-
bant. Etsi autem cruenta hæc certamina crebe-
scerent, neque obsessi ulla melioris inclinationis
præ-

præberent indicia, Rex tamen Serenissimus, ut ab initio alterâ manu arma pertinacibus, alterâ clementiam resipiscentibus ostentaverat, ita subinde adhuc scriptis per NICOLAUM PRASMOVIVM EPISCOPVM LVCEORIENSEM & MAGNVM REGNI CANCELLARIVM literis æquisimam pacem omnibus offerebat. Nimirum tibi, Christianissime Princeps, prius, & antiquius erat, Temet vincere, quàm hostem, & minus fortitudini permittere, ut minus sanguinis funderetur. Parcere volebas, ut Tuis, etsi Tui esse desuissent, & abscissa membra integra malebas corpori reddere, quàm delere, dum & ipsa modo reddi corpori, quam deleri mallêt. Sed qui rerum in urbe potiebantur, hostes, nō minus ad verba clementiæ quàm ad ictus telorum occalluerant, seu spe auxilii se sustentantes, seu inania gloriæ tum suæ, tum civium præponentes saluti. Cives autem potestatem sui amiserant. Ad portum salutis & libertatem adspirare apertè, erat res plena periculi. Multi itaque nubilis mentibus serenos induebant vultus, ut præsentibus rebus contenti viderentur.

quas

quas tacito voto mutatas volebant. Sederant quoque in numero obsessorum aliqui, novo dominio eò usq; addicti, ut non nisi ferro ab eo divelli posse viderentur. Quos adeo clementia Regia non moliebat, sed obdurabat. Nolebant agnoscere malorum suorum sanatricem manum, quia non agnoscebant morbum, & patientiam præbere remediis recusabant, quia quod remedium erat, morbum putabant. Coëterùm ubi Regia Majestas benignitate nihil profici vidit, cedendum denique putavit bellatorum legibus, quæ quidvis permittunt in hostem cedere nolentem.

Machinis itaq; quæ ad vim majorem à nobilissimo ac solertissimo Archimede Regio GÖDKANTIO magnâ & hætenus inauditâ artis Pyrotechnicæ industriâ, comparatæ erant, saxa & tela ignea tandem immitti placuit in urbem. Juxta vero omnem exercitum ad faciendum undiquaq; insultum præstò adesse jusserat magnus Mareschalcus. Neq; longis hortationibus invitandus, aut erigendus erat miles. Jamdudum is operosis precibus aggressionem ejusmodi ambiverat. Mul-

ros opulentæ spes prædæ incendebat. Alii generosiores stimulis gloriæ agitabantur, & indecoram suæ genti tantam apud unam urbem existimantes moram, maiore severitate aggrediundos suadebant, qui lenitate hætenus abuti viderentur. Plurimis etiam ingruentia hyemis incommoda lentæ obsidionis tædium moverant. Magno itaq; labore, multisq; argumentis hætenus expugnandus fuerat miles, ne tanto & suo, & Urbis periculo, violentam oppugnationem præcipitaret. Eoq; gratius jam fuit Regiæ Majestatis de urbe adoriendâ decretum. Erat decima septima dies Novembris, cum tempestas ignea sævire, cumq; pariter exercitus obsessor incredibili impetu in propugnacula mœnium undiquaq; ruere cœpit. Urbs universa subito colluxit, ac si undiq; obrecta flammis esset, eademque inter irruentia undiq; fulmina tota contremuit, non secus ac si atrocissimo terræ motu concuteretur. Sed quas stationes quæq; legio, & quo eventu oppugnarit, quæ damna in Urbe ignes lapidesq; molares injecti dederint, historia deinceps plenius exponet; unicuique etiam Bellatorum decus suam, ex

fide & merito reponsura. Nunc levi mentione illud duntaxat propugnaculum tango, in quo præcipuum operæ pretium oppugnatores fecere. Magnus ipse Mareſchallus adortus illud erat, eâ in primis legione, cui Ductorem GIZAM, spectatissimum militiæ Tribunum præfecerat. Egregiâq; Ductorū ac militum virtute ibi pugnatum est, ac multi ab hoste tum fauciati, non pauci etiam cæsi fuere. Adeo ut pene hæerere animi inciperent, an continuanda esset aggressio, quæ jacturam militum Ductorumq; exiguo hætenus fructu pensaret. Sed Mareſchallus cedere nescius iteratis hortaminibus, missoq; subsidio novum ardorem injecit suis; adeo, ut hi deniq; omnes acerrimo impetu connisi hostem propugnaculo ejicerent, in quo ille plurimum spei reposuerat. Pariter aliis nonnullis stationibus, tum hoc ipso tempore, tum post breve intervallum, feliciter res gesta est, ita ut nostri intra paucos dies, aliquot hostium munimenta occuparent, inq; ipsis adeo mœnibus figerent pedem. Sensit hostis exercitui nostro non modò ad pugnandum satis animorum (hos enim jamdudum campis patentibus, & ubi

& ubi manibus res gerenda fuit, expertus erat) sed ad expugnandas etiam munitiones satis jam esse industriæ. Itaq; remittere tandem paulatim cœpit animos, idq; eò magis, quòd facile conjiceret, Polonos nullâ hætenùs vi adversâ, nulla cœli inclementiâ, ab inceptâ obsidione avocatos, nunc tantis successibus animosos, eò alacriùs operi ad finem jam præcipitanti incubituros. In urbe contrâ præsidiorum numerus, tùm vi nostrorum, tùm novis morborum generibus, magis magisq; atterebatur. Nescio quæ enim Scelerybe, lentè alioquin homines conficere solens, hîc præter morem rapida, in necem subitam agebat milites. Ita ut deniq; vix trecenti incolumes & ad pugnandum idonei superessent. Eò magis consternati etiam cives, faciliores jam aures præbebant prudentibus, qui præveniendam esse necessitatem ultimam sentiebant. Serenissimus vero Rex etsi ad iterandam aggressionem generalem omnia haberet parata, & præterea multis precibus, atq; etiâ quiritationibus militum usq; sollicitaretur, ut vi militari urbem expugnari sineret, suæ tamen benignitati magis, quàm

votis aliorum obsecutus, denuò per literas hortatur obseſſos (eſſi nemo inde quicquam benevolentia ostenderet) ne porro fatum, iramq; in ſe Regiam inani pertinacia laceſſerent. Capiti inprimis præſidiariorum non obſcurè ob oculos ponit; quid expectandum haberet, ſi urbem tam nobile ſuæ potius obſtinationis victimam, quàm Regiæ clementiæ fieri vellet exemplum. Cum inter iſta, Urbis ſimul mania tormentis maioribus arietarentur, à terrore ipſo vim eò efficaciorem habuère literæ Regiæ. Proindeq; colloquia de tranſactione primum per TRABVCVM R.M. Secretarium, poſtea inter præcipua utriusq; partis Capita haberi cœperunt, & cum nulla tranſactio aut fieri, aut valere poſſet, niſi quæ Generaliſſimi Suecorum in Pruſſiâ Gubernatoris conſenſu niteretur, datum eſt obſeſſis armiſtitiū, ſpatiumq; & poteſtas mittendi Mariæburgum. Poſtquam rediiſſent, qui miſſi erant, & jam jam violentiæ militari lenitas Regiæ, niſi feſtinata tranſactio præveniret, ceſſura videretur venerunt ex urbe faciales, qui cum VIRIS ILL. ANDREA MORSTINIO Regni Referenda-

rendario, VLADISLAO REY, SerenissimæReginæ Cancellario, & BARTHOLDO à Xautensels/Regiæ Maj. Secretario, congressi, in eas cum Rege Serenissimo leges convenire, quas an unquam spe conceperint, nescio, accipere quidem vix ab ullo alio, quàm ab ipsâ Clementiâ potuêrunt. Apud exteras sanè gentes fidem propè excedit, hostem, qui nihil unquam eorum, quæ summa Martis sævities committere solet, omiserit; qui toto propè anno eminis cominusq; circumjectos exercitus nostros exercuerit, ipsam Regiam Majestatem utramq; sub Jove frigido, & variis cœli injuriis tamdiu detinuerit, tandem imminentibus jam omnibus extremis, tam æquis tamen, tamq; optabilibus conditionibus, Vrbe egressum esse. Sed nimirum Serenissimus Rex noster minimè unquam sitiens sanguinis humani, victorias suas eò majores putat, quò magis sunt incruentæ: & gloriæ sibi ducit, hostem armis quidem, sed simul & mansuetudine superasse. Armis quippe vicisse, felicitatis sæpe laus est, ignovisse victis, solius decus est virtutis. Inter præcipuas

porrò clementiæ istius causas, Vrbs ipsa erat. Potius enim Regia Majestas præsidium cum Vrbe fervari, quàm Urbem cum præsidio perire voluit. Periisset autem hæc, & nimirū in sanguine Civium, matronarum, infantum natasset, si furentis vindictâ militis permessa fuisset libidini. Nec ignota erat hosti Regia lenitas, quæq; animo federat, servandæ Urbis sententia. Hoc itaq; Regis consilio, optimo sane, & maxime commendabili, in rem ille suam usus, urbem tam arctè amplexus est, ut interire ipse non posset, nisi per latus civium, modumq; invenit, quo Urbis obsessæ incolumitatem faceret pretium honoræ pacis. Nimirum cum aliud jam, quod opponeret, non inveniret hostis, Te Tibi, Rex Serenissime, opposuit: & cum elabendi nulla via esset, in Naturæ Tuæ genio ostium salutis reperit, Instabat illi vel mortis, vel abjectæ pactionis necessitas: Sed novâ arte Tibi per Temetipsum necessitatem intulit honestæ dimissionis. Alphonfus Arragoniæ Rex, clementiâ Tibi simillimus, dixisse olim fertur, nullâ re magis adversariorum animos flecti, & conciliari

liari solere, quàm placabilitatis, & mansuetudinis nomine. Quod dixit, expertus erat, ac cum multos inimicos habuerit, multos solâ lenitate superavit, & amicos sibi fecit. Utinam æquê felix Tua clementia sit, & quos perdere in Urbe hostes noluisti, cum posses, eos admiratio virtutis Tuæ emendet, non effugituros alioqui vindicem Nemesein, si pertinaciæ fomentum esse patiantur, quod correctionis debet esse incitamentum. Faceffant vero hinc illi, qui nihil in Regibus nisi solam armorum gloriam admirantur, verum autem fortitudinis nec modum, nec finem nôrunt: rati scilicet moderationem duntaxat succumbentibus esse propriam. Nec Clementiam nisi parvarum mentium virtutem ducunt; ignari, Deum ipsum non minus optimum dici, quàm maximum; nec magis Domini, quam Patris nomine honorari. Ad DEVM porrò homines nullâ re propiùs quàm benignitate accedere posse. — — — *Nam cum vincamur in omni Munere, sola Deos aequat clementia nobis.*

Illa autem gratia, quâ urbem complexus es,
Rex

Rex Serenissime, quibus præconiis efferenda est; & quæ eloquentia dignè illam extollet? Primum enim quantæ benignitatis est, quod salvam esse eam voluisti, quam aliorum Tui dissimilium Regum asper genius dudum fortassis ad exitium damnasset. Causam ejus Tu apud Te, benignus idem Patronus & Judex æquisimus egisti: reamq; non à supplicio tantum, sed à crimine etiam absolvesti. Quicquid peccatum videbatur, nulli dolo malo, sed sinisteritati temporum tribuit æquitas Tua, & quicquid displicuit, non ut macula indignationem merens, sed ut vulnus miseratione dignum, fidei & constantiæ prioris memoriâ abstersum est. Meminimus, ferventibus extremi hujus belli initiis, audire nos ex Te, Rex Serenissime, in tantâ lapsorum multitudine Te aliis jamdudum ultrò ac lubenter ignovisse, aliorum castigationem DEO delegasse: Solum illum optimè & dignoscere, & ulcisci posse, quantum quisq; deliquerit: nec paucos eorum, qui in Te peccarint, Te etiam quiescente, castigatos. Et de ipsâ hâc Urbe fateri sanè oportet, illi transitum ad

hostes, etsi haud spontaneum, certè haud quæsitum, magno admodum constituisse. Tot enim mala, & ærumnas passa, tot fatigata laboribus belli, tot affecta damnis, tot deniq; ictibus lacerata est, ut porro à Te non nisi per vulnera ipsa percuti, & nihil penè amplius, quàm spiritum amittere posset. Cepit Te calamitatum ejus misratio, & cum ab initio obsidii, Civibus impunitatem spondidisses, postea etiam, etsi justam mutandi causam habere videreris, non mutasti propositum: fidei scilicet datæ constantiam & auctoritatem obtendens. Nimirum, quia nullâ re magis, quàm clementiâ gaudes, facile, & ultrò suscipis vincula, quibus ad eam obstringaris, & nodos fidei, quos alii nullo negotio rumperent, Tibi benignitas animi Tui reddit insolubiles. Atq; eâdem hâc virtute effectum est, ut non Urbem modò, sed omnia etiam jura ejus salva esse volueris. Nescivit bonitas Tua partiti beneficia; totam sibi restituiti, ut totam se denuò Tibi deberet. Non autem arctius illam Tibi obligare potuisti quàm cum, ut ante fuit, immunem esse jussisti. Fidisimum in subditis vinculum animorum

G

rum

rum est libertas. Neq; ulli imperio libentius quisq; paret, quam sub quo suus esse potest. Quanquàm, ut omnis felicitatis, ita libertatis etiam nonnunquàm abusus subire solet. Et sæpè nimium sibi permittunt, quibus multum licet; ipsiusq; tandem libertatis vitiis non in servitutem modò, sed in perniciem ruitur. Tu liberrimæ Nationis Rex, tametsi exundantis subinde libertatis æstus, magno & Tuo, & Reipubl. periculo, novissimè expertus es, neminem tamen gentilitio hoc bono exuis. Scilicet unumquemq; jam tandem malis domesticis satis edoctum credis. libertatem generoso equo similem esse, qui, si fræna excutiat, & se & sessorem currumve, cui junctus est, raprat in præceps. Sed si modestè ea habeatur, nihil esse in mundo generi humano vel gratius, vel utilius. Nostrium certè Regnum, nullâ magis re, quàm libertate ad tantam molem, & ad tantæ potentiae florem pervenit. Hoc enim maximè illicio invitatæ gentes vicinæ lubenter olim cum regno coaluêrunt; & vi aliquâ avulsæ, eidem semper optârunt rejiungi. Urbs quoq; ista, cum multas extendi iam habuit causas,

hanc

RECUPERATUM

31

hanc habet potissimam, quod benignitate Regiâ, & Regno, & pristina libertati restituta est. Ac merito Tullium sibi optat, qui tantam clementiam dignis efferat encomiis. Olim Rex ille eloquentiæ Romanæ gratias Cæsari egit, cum is M. Marcello ignovisset. Sed Cæsar viro uni ignovit, tali prætereà viro, qui olim æqualis ipsi, atq; etiam, cum Consulatum, validâ adhuc Republicâ, gereret, superior fuerat: qui prætereà, si Cæsarem offenderat, patriæ, & libertatis amore credi poterat offendisse. Ignovit porro absenti, ignovit quieto, & nihil jam amplius hostile molientis ignovit deniq; cum non tantum frater pro fratre supplicaret, sed & totus surgens Senatus interponeret preces. Rex vero noster multitudini hominum ingenti, multitudini subditæ, & jurejurando sibi obstrictæ, multitudini unâ cum Capitibus suis sub alterius potestatem, & ad arma adversus legitimum Dominum, tandemq; hinc in extrema omnia prolapsæ, ultro, nulloq; prorsus deprecante, plurimis imò ultionem nimis quàm acerbè flagitantibus, veniam dedit. De quâ postquam per Cancellarios certa jana Vrbs esset,

delecti ex Magistratu, & Civibus, venerunt in castra, & praeunte Seniore & Majorum suisque meritis Aulæ Polonicæ notissimo Præ-Consule JOANNE PRUSSO, adversa omnia, quæ necessitas extorsisset, deprecati, pro clementiâ Majestati Regiæ gratias egere. Benignè excepti sunt, nec nisi paternè admoniti eorum, quibus Regia Majestas hætenus sit offensa. Exin præsidium, quod ex ter mille hominibus in quadringentos, eosque magnam partem ægros redactum erat, à Governatore BILOVIO, Skittio, Draco, Hammiltono, Zögio, Boko, Tribunis & Pro-tribunis propriis. Cal. Januar. eductum est. Egressus etiam, insigni gratiæ Regiæ documento, BENEDICTUS OXENSTIERNIUS Comes, & hoc bello à Rege Sueciæ Palatinatui Culmensi præfectus. His præsidium Regium, cujus pars, jam ante, secundum pacta, portam unam urbis infederat, sub regimine Castellani Camenecensis CHRISTOPHORI GRODZICII, ductu autem PAULI CELLARII, Generalis jam excubiarum Magistri, succesit. Neque enim custodiæ sui Vrbs visa est

est sufficere, præsertim bello usq; intra Prussiæ viscera sæviente. Nam etsi armorum suspensio agitari coeperat, ea tamen per gravitatem conditionum, & quod Confœderatos offensura videbatur, caruit successu. Interim de pace perpetuâ jamdudum placuerat aliqua institui tentamenta. Eamque ad rem Rex Serenissimus ipsam hanc Urbem novissimè recuperatam Illustrissimis & Excellentissimis Delegatis suis, Magno Regni CANCELLARIO, & PALATINO POSNANIENSIS, Magni deniq; Ducatûs Lithvaniæ Vice-CANCELLARIO, assignavit, invitatis eodẽ Confœderatis suis, quos belli necessitudine secum sociatos, negotiatione pacis nefas putat Polonia à se disjungere. Votum est omnium bonorum, ut res prospere cedat, utq; Urbs, quæ prima, hoc bello, armorum hostilium in Prussiâ sedes fuit, felix tandem sit pacis officina. Cæterum ubi Calendæ Januariæ illuxissent, S. Regia Majestas, splendido Senatorum præsentium, & aulico comitatu, præviis equestribus turmis Urbem, inter armatos Civium ordines ingressa, rectâ ad templum S. Johan-

nis procesfit, comitante eodem Serenissimâ REGI-
NA. Excepit venientes ILL. JOANNES KOS
Episcopus Culmenfis. Mox sacra ritè peracta,
Deoq; hymnus pro victoriâ cantatus, Musicis tem-
pli organis non interfonantibus, quia hostili de-
structa violentiâ jamdudum obmutuerant. Ex
Templo in Curiam itum est, ubi Magistratus Ur-
banus novo sacramento fidem Majestati Regiæ
obstrinxit. Quod idem postridiè Cives congre-
gati in foro fecêre. Postea pauci dies extracti
sunt, ordinandis rebus pace belloque necessariis, a-
nimisq; hostium, quàm seriò ad pacem inclinarent,
pertentandis. Sed apud hos omnia & intricata
tùm nimis, & infra votum deprehensa. Regē vero
alia negotia, & inprimis Comitiorum habendorum
cura Varfaviam, Magnum quoq; Mareschallum
instans cum exercitibus super stipendiorum solu-
tione Commissio Lublinum vocabat. Itaque &
Aula, & Militia omnis discesfit, relictis præsidis,
quæ cohibendis quidem cohortibus Hostis in
Prusfiâ tum stabulantibus, non item novo exerci-
tui aliunde venturo, sufficiebant. Sed quæ po-
stea


stea contigerunt, quæque alia in hac narratione omissa sunt, historicorū labor suo tempore narrabit. Ego jam ad Regem Regum & Dominum Dominorum me converto. Nihil enim omni hoc ditionis nostræ conatu egero, nisi illius clementiæ, id quod ante omnia, sub hoc novi anni auspiciū, propositum fixumq; habui, quaecumq; animi grati anathema suspendero. Ejus beneficio Rex Serenissimus, in hoc insigni ætatis suæ climacterè, tot gravissimos togæ sagiq; labores, tot objectas difficultates, tot aeris injurias, illasq; superavit valetudine, annumque ipsum illustri victoriâ obsignavit. Ejus beneficio Serenissima Regina, ut vitæ socia, sic laborum Regionum comes, inconcussū corporis animiq; vigorem experitur. Ejus beneficio Illustrissimus Poloniae Senatus, inclytusq; Nobilitatis ordo, atq; adeo Respubl. universa, ex fatali illâ calamitatum congerie respirare coepit, hostium aliis debellatis, aliis conciliatis, aliis in diversa terrarum bellorumq; distractis. Ejus beneficio magnanimi Duces militiæ, ipsiq; exercitus matri Reipubl., etsi jam exsuccæ, & in stipendia ægrè sufficere.

cienti, promptissimam tamen, fidamq; operam
navarunt, patriæque decus longè extrâ fines ma-
gnificè protulerunt. Eundem Deum Optim.


Max. veneramur supplices, ut Pietati, omniq; Vir-
tuti vigorem, atque accrementum, Regiæ Maje-
stati utriq; longævam & omnigenâ prosperitate
cumulatam vitam, Senatui saluberrima consilia, Du-
cibus fortunatam militiam, vigilemq; necessariæ
disciplinæ custodiam, Nobilitati moderatos ac con-
cordes animos, Exercitibus alacre ad nobiles ope-
ras obsequium, Urbibus redivivum artium & com-
merciorum florem, agris quietæ fertilitatis uber,


Regno universo Aquilæ juventam, & pristi-
nam ex felici rerum successu Majestatem,
donet, augeat, conservet.

FINIS.










Biblioteka Jagiellońska



stdr0013651

